

第五篇

交友

1 審交

唐孟郊

種樹須擇地，惡土變木根，
 結交若失人，
 中道生謗言，君子芳桂性，
 春榮冬更繁。
 小人槿花心，朝在夕不存，
 莫躡冬冰堅，

中有潛浪翻，唯當金石交，可以賢達論。

2 傷友

秦中吟十首之一

唐白居易

陋巷孤寒士，出門苦栖栖，雖云志氣在，
豈免顏色低。平生同門友，通籍在金閨，
曩者膠漆契，邇來雲雨睽。正逢下朝歸，
軒騎五門西，是時天久陰，三日雨淒淒。

蹇驢避路立，肥馬當風嘶，迴頭忘相識，
 占道上沙隄。昔年洛陽社，貧賤相提攜，
 今日長安道，對面隔雲泥。近日多如此，
 非君獨慘悽，死生不變者，唯聞任與黎。

3 求友

唐王建

鑒形須明鏡，療疾須良醫，若無傍人見，